

Universitätsbibliothek Paderborn

Theologia Moralis Universa

Ad Mentem Præcipuorum Theologorum & Canonistarum, insertis suo loco Propositionibus à S. Sede Apostolica novissimè damnatis concinnata. Et Per Casus Practicos exposita

Complectens LXXV. Casus Materiam de Conscientia, Legibus, Peccatis, Fide, Spe, Charitate, Jure, Justitia, Restitutione, Contractibus, Judiciis & Religione &c.

Jansen, Leonhard

Coloniæ Agrippinæ, 1744

Casus LI. De Promissione.

urn:nbn:de:hbz:466:1-39867

bes relaxationem petere ab Episcopo creditoris, quia Actor debet sequi forum Rei, nisi Reus se sponte subjiciat Episcopo jurantis, vel extra suam Diœcesin contraxerit, tunc enim cognitio causæ spectabit ad Episcopum loci, in quo contractus celebratus est. *Suar. num. 10. Sanch. num. 35. Gonz. in c. 1. de jurej. n. 14. Pirk. num. 156.*

3. Judex sacerularis non quidem directè, sed ^{18.} indirectè poterit relaxare juramentum non confirmatorium, illud remittendo nomine sui subditi id injustè renuentis, vel annullando omnem acceptationem rei jurato promissæ; si enim ipse promissarius juramentum in suâ favorem factum remittere possit &c debeat, cur non ipso renuente ejus superior. *Hann. num. 905. Gonz. n. 12. Zoes. de jurej. n. 80. Pirk. n. 159.* Ex his per se patet Resolutio Casus.

C A S U S L I.

De Promissione.

DOnatus multa promittit, sed non implet,

1. *Quia promisit semi-deliberatè, ex motu leví sed juratò,* 2. *Sub sola fidelitate, vel sub dubio,*
3. *Ad rem ex parte illicitam vel impossibilem,* 4. *Aut juravit non revocare testamentum, ibid.*
- Quia promissarius non acceptavit, vel absens acceptationem non intimavit, aut ejus nomine acceptavit alter.* 5. *Vel antequam promissio absenti intimaretur, est revocata.* 6. *Vel mortuus est promittens, aut promissarius.* 7. *Quia status est mutatus, & ipse indiget repromissâ, & promissarius cum graviter offendit.* 8. *Qui ares promissa perii,*

vel

vel fuit aliena. 9. Aut pluribus promissa. ibid.
Resolutio constabit ex seqq.

I. QUÆR. I. Quid sit Promissio? R. Est deli-
berata, spontanea & gratuita obligatio fidei
erga alterum ad aliquid præstandum, exterius
manifestata & ab altero acceptata: est commu-
nis:

Dicitur 1. *Deliberata*, deliberatione sufficien-
te ad mortale peccatum, quia semi-plena deli-
beratio non sufficit ad imponendam sibi obligatio-
nem gravem, immo nec levem. *Molin. Sanch.*
Dicast. l. 2. t. 4. d. 1. num. 11. Ratio est; quia
homo semi-deliberatus non agit modo humano,
sed ut semi-homo.

Dicitur 2. *Spontanea*, nam promissio fraude,
vel metu injusto etiam levi extorta ab eo, qui frau-
dem vel metum passus est, pro libitu rescindi po-
test, nisi sit juramento firmata. *S. Th. q. 86. a. 7.*
ad 3. Sylv. q. 66. a. 2.

Dicitur 3. *Gratuita*, ut distinguantur à con-
tractibus onerosis.

Dicitur 4. *Obligatio* non formaliter, sed cau-
saliter, quatenus est signum practicum exercitè
declaratis voluntatem se obligandi, quo distin-
guitur à nudo proposito, quo quis significat in-
tentionem aliquid faciendi absque omni obliga-
tione.

2. Dicitur 5. *Obligatio fidei*, quo indicatur, quod
promissio nuda probabilitas obliget ex sola fideli-
tate sub veniali. *S. Tho. 2. 2. q. 88. a. 3. ad 1.*
Bann. Cajet. Sotus, Molin. Gorm. de just. num. 648.
Dian. p. 2. t. 17. Joann. à S. Cruce, Joann. à S.
Th. 1. 2. q. 88. d. 29. a. 9. Salmant. hic num. 82.
Onnaten. 92. Duxi, promissio nuda; nam si ve-
stiatur juramento, chyrographo, adhibitione

Nota-

Notarii vel testium, tunc juxta omnes obligat ex justitia & sub peccato gravi, secundum quantitatem materiae, pariterque actionem in judicio.
Ratio est; quia si promissio non vestiatur, manet sub nudo debito morali fidelitatis, sola autem fidelitas obligat tantum sub veniali ad conformanda facta promissis, sicut veracitas per se tantum obligat sub veniali ad dicta conformanda menti. Poteſt autem promittens etiam absque memoratis solemnitatibus se obligare ex justitia & sub mortali, si velit & alter acceptet, quia potest rem suam alteri donare, ergo & dare jus ad illam; requiritur tamen major materia ad mortale iniquitatem ex liberali promissione, quam ex furto, quia Dominus censetur magis invitus, ut sibi res sua auferatur, quam ut ei non detur res liberaliter promissa, ideoque *Lopez in 2. p. c. 30. Regin. hic num. 84. Sanch. l. 1. de matr. d. 5. num. 24. Onnate num. 150.* requirunt materiam quadruplicem majorem. Sed quid si promissor dubitet aut non cogitavit (ut promiscue fit) an se voluerit obligare ex sola fidelitate aut ex justitia, an sub veniali aut sub mortali? *Bz.* cum *Molin. Lugo, Sporer t. 6. c. 2. num. 69.* tunc solum obligari sub veniali, etiam si materia promissa in se sit gravis. *Ratio est,* quia homines, quando aliquid promittunt liberaliter abstrahendo vel non determinando, an sub obligatione gravi vel levi, non intendunt nec censi posse velle obligare, nisi ad id, quod requirit natura promissionis liberalis, sed haec non requirit nisi obligationem levem ex sola virtute fidelitatis, ut supra dictum est, ergo: & certe ita habet communis opinio, nam impudens haberetur, qui eo rigore exigeret liberale promissum,

missum , quo exigit debitum justitiae ; ex quo merito colligunt DD. cit. in promissionibus merè liberalibus ut plurimum deesse animum se graviter aut ex justitia obligandi.

3. *Dicitur 6. Ad præstandum aliquid , scilicet licitum & possibile ; nam ad illicitum & impossibile nulla potest esse obligatio ; si res promissa ex parte est licita , ex parte illicita , est obligatio ad partem licitam juxta Reg. Juris 37. Utile per inutile vitiari non debet ; hinc invalidæ sunt promissiones , quæ præbent occasionem absolutè aut liberiùs peccandi , ut si volenti malè agere promittam , eum non monere , non accusare ; si promittam Beneficium Ecclesiasticum nondum vacans c. ex tenore 13. de concess. præb. si adulterer adulteræ vivente conjuge promittat Matrimonium c. si quis 8. de eo , qui ducit ; quia in his datur occasio optandi vel machinandi mortem. Item jure positivo nullæ sunt promissiones , quæ tollunt facultatem de rebus suis liberè disponendi mortis causâ , ut promissio de faciendo testamento in alicujus favorem , velde non revocando factum.*

Dicitur 7. Exterius manifestata ; nam licet sola interna voluntas se obligandi sufficiat ad votum , eò quod votum fiat Deo cordium Inspectori , non tamen ad contractum ; hic enīa debet fieri modo humano , id est sensibili , seu perceptibili ab hominē. L. 1. ff. de V. O. D. Th. hic q. 88. a. 1.

4. *Dicitur 8. Acceptata ; nam quamdiu promissio acceptata non est , nullam inducit obligacionem , sed revocari potest. L. de pollic. L. absenti ff. de donat. idque tenet , etiamsi sit juramento firmata , quia juramentum sequitur naturam*

con-

contractū. *Sot. Palao d. 2. num. 6. Salmant.*
num. 70. Lug. d. 23. num. 50. Ratio est; quia
 omne pactum essentialiter constat mutuo duo-
 rum vel plurium consensu, & in omni promis-
 sione includitur: si alter acceptet; quandoque
 tamen ipsum jus acceptat pro homine, ut si pro-
 missiones fiant Reip. vel civitati. *L. 1. 3. 4. ff.*
de pollicit. vel etiam, ut plures volunt, Ecclesiis
 & locis piis &c. Promissio præsentī facta regu-
 lariter acceptari debet in continentī vel quasi con-
 tinenti *L. 137. de V. O.* quia tunc non po-
 test prudenter censeri promissor dici velle su-
 pendere suum consensum, si tamen materia sit
 favorabilis, ipsa taciturnitas reputabitur pro con-
 sensu juxta Reg. J. qui tacet, consentire uidetur:
 secus si materia non sit favorabilis. De cætero
 etiam Pater pro filio, Dominus pro servo, Re-
 ligiosus pro Monasterio, Uxor pro Marito, aut
 econtra, item omnis, qui alterius curam gerit,
 aut ex promissione interesse habet, eam acce-
 ptare potest.

QUÆR. II. Quid circā promissionem factam
 absenti? R. seqq. 1. Promissio (idem est de do-
 natione) absenti facta per Nuntium vel per literas
 ad promissarium directas non valet, si coram
 alio quam Nuntio acceptetur, quia hic & non
 aliis ad acceptandum est deputatus. *Sanch. d. 7.*
num. 35. Dicast. num. 155. Valet tamen coram
 Nuntio facta, etiamsi promittenti non intimetur
Lug. n. 74.

2. Promissio vel donatio facta absenti, ante-
 quam ad eum pervenerit & acceptata fuerit, re-
 vocari potest; si revocatio non innotescat Nun-
 tio, & hic pure in mandatis habeat promissio-

Nn nem,

R. D. Jansen Theol. Moral. Tom. I.

nem vel donationem factam intimare , adhuc valet revocatio , nec promissio validè acceptati potest , quia voluntas Domini , quam desert Nuntius , nequidem virtualiter existit ; si verò Nuntius sit simul Procurator vel Commissarius , cui committitur promissio nomine Principalis facienda & revocatio commissionis nec Commissario , nec donatario innotescat , donatio acceptari poterit , quia de jure acta puri mandatarii revocato mandato etiā incognito statim sunt invalida , acta verò per Procuratorem , antequam de revocatione constet , valida sunt . *L. si mandasset. L. si inter causas ff. mandati L. verò ff. de sol. Gomez. Mol. Sanch. l. 1. de Matr. d. 6. num. 9.*

3. Si promissio vel donatio erat facienda per Procuratorem , & promittens moriatur , Procurator verò ignorans perget promissionem vel donationem facere , promissio & donatio est nulla , quia mandatum gratiæ faciendæ regulariter exspirat morte mandantis . *L. 26. ff. & L. 15. C. mandati* : Excipe nisi mandatum sit ad causas pias , quia in harum præjudicium Leges civiles nihil disponunt , & prudenter præsumitur , quod promittens voluerit hanc suam voluntatem etiam post mortem manere , cùm maximè sit profutura animæ . *Covarr. 1. Var. c. 14. Molin. Sà, La Croix l. 3. p. 2. num. 788.* Si Nuntius sit missus , non ut faciat , sed ut pure indicet promissionem factam , & promittens interim moriatur , adhuc acceptari poterit . *Ratio* est ; quod promissio vel donatio jam facta & non revocata , sed litteris vel Nuntio insinuata , sit gratia , gratia autem facta non extinguitur morte concedentis . *Smar. Clarus, Sanch. n. 35.*

An

An econtrâ promissario ante acceptationem mortuo, ejus heredes promissionem acceptare possint, incertum est, negat cum *Less. Haun. La Croix num. 787.* quia voluntas promittentis referatur in personam promissarii in se, quæ amplius non existit. Si tamen ex circumstantiis patet, quod promissio non solum in gratiam ipsius, sed simul in favorem familiæ, uxoris vel prolium facta sit, ab his omnino acceptari poterit.

QUÆR. III. Quot modis cesseret obligatio 7. promissionis acceptatae? R. Cessat 1. Ex partium consensu. 2. Si materia promissa facta est impossibilis vel illicita, ut sup. dictum est. 3. Si promissarius tuus non fecerit promissio tibi facto, hæc enim videtur fuisse voluntas promittentis, ut frangenti fidem fides frangatur eidem. *Sæ. Regin. Rebell. Onnate num. 185.* 4. Si promisisti amico, qui factus est inimicus, *Garc. Sylv. Mol. d. 272.* 5. Si promissor ob inopiniam paupertatem ipsemet re promissa indigeat, merito tamen dicit *Less. Molin. l. c.* paupertatem non excusare absolute, sed tantum suspendere obligationem usque ad meliorem fortunam. 6. Et generaliter, si res non mansit in eodem statu, ita ut ante traditionem rei promissæ grave & novum tibi immineat incommodum, quod si tempore promissionis cognitum fuisset, certò non promisisses. *S. Th. q. 110. a. 3 ad 5.* quia non censeris te cum tali incommodo gratis obligare voluisse, & gratuita promissio censetur facta sub conditione, nisi status ante traditionem notabiliter mutetur, quare hæc doctrina etiam locum habet in promissione jurata. *Antb. cit. Dicast. num. 125.* In dubio, an status sit notabiliter

N n 2 biliter

biliter mutatus, est obligatio implendi promissum, quia promissio est in possessione, certò enim obligavit, & dubitatur, an obligatio per mutationem statūs cesseret.

8. 7. Si res promissa in individuo absque culpa promittentis perierit, ad nihil tenetur promittens; si res promissa sit indeterminata, v. g. ex decem equis unum promisisti Cajo, si pereant omnes, aut pereat equus à Cajo electus, liberes; si pereat unus vel alter, debes Cajo dare unum ex residuis; idem est, si promisisti equum indeterminatè, & tradas alienum, debes substituere alium, secus, si promisisti hunc determinatè, qui postea probatur alienus. *Molin.* to. 2.

9. d. 262. *Spor.* tr. 6, in *Decal.* c. 2. num. 74. 8. Si eandem numero rem promisisti pluribus, debetur primo, etiamsi secunda promissio fuerit jurata; quia secunda promissio, uti & juramentum sunt de re illicita & alteri saltem ex fidelitate debita, & quamvis primus cedat juri suo, non ideo reconvalescit secunda promissio, quia tractu temporis non firmatur, quod ab initio non subsistit. R. J. in 6. nisi secunda promissio facta esset sub conditione; si primus cedat juri suo: ita contra *Covar.* & *alios Turrian.* *Lug.* n. 107. *Sanch.* n. 6. *Spor.* 77.

Si dicas: Valet Matrimonium contra fidem priorum sponsalium, ergo & promissio contra fidem prioris. Rz. N. C. Secunda promissio habet pro objecto traditionem rei alteri promissæ, ideoque est nulla ut potè de objecto illico, Matrimonium vero non habet pro objecto traditionem corporum, sed est ipsa traditio, & per consequens, quamvis Matrimonium contra fidem priorum sponsalium sit illicitum, non tamen est de

de objecto illicito, ut si contra votum emam gladium, ipsa quidem emptio est illicita, non tamen de objecto illicito, ideoque valida.

C A S U S L I I .

De Donatione.

ERICUS variis facit donationes, sed ex post re-
vocat 1. Quia res donata est duobus, veldu-
bitat, an facta sit inter vivos, vel causâ mortis.
2. Quia rem dedit uxori, quia invita ex post vendi-
dit, 3. Aut dedit filio causa studiorum, ob nuptias
vel sacros Ordines. 4. Quia dedit omnia bona, vel
sulatem ultra 500 solidos, et si jurato ē ad causas
pias. 5. Quia donatarius eum infamavit, alimenta
indigentem non præbuit, vel aliter fuit ingratus, et si
id probare non possit, 6. Ideoque vult, ut post mor-
tem suam hæres donata repetat, 7. Item post dona-
tionem remuneratoriam Ecclesiæ facta nata est proles,
8. Aut donatio fuit inofficosa, sed jurata, 9. Re-
solutio constabit ex seqq.

QUÆR. I. Quid & quotuplex sit Donatio? 1.

R. I. Donatio est gratuïta dominii translatio.

Dicitur gratuïta, quia fit liberaliter absque obli-
gatione non tantum justitiæ; sed & gratitudinis,
ideoque donatio antidoralis seu remuneratoria,
quæ fit ex gratitudine ratione beneficii vel obse-
quii præstigi, non est donatio planè gratuïta &
strictè dicta, & in odiosis non venit nomine do-
nationis. Pib. l. 3. decret. tit. 24. num. 1. ē ibid.
Reiffenst. num. 3. Utroque donatio tam gratuïta,
quam antidoralis debet esse acceptata, nec non
libera à metu & dolo, aliàs erit rescindibilis
juxta dicta de promiss. Casu præc. Distinguitur

Nn 3

do-